

PLATFORMA

za učešće potpredsjednika Vlade i ministra kapitalnih investicija mr Ervina Ibrahimovića, na Ministarskom sastanku Transportne zajednice, koji će se održati 15. novembra 2022. godine u Briselu, Kraljevina Belgija.

I RAZLOZI ZBOG KOJIH SE PREDLAŽE POSJETA

Ministarski sastanak će se održati 15. novembra u sjedištu Evropske komisije, na kojem će biti ministri zaduženi za saobraćaj iz Republike Albanije, Bosne i Hercegovine, Republike Sjeverne Makedonije, Republike Kosova, Crne Gore i Republike Srbije, predstavnici država članica EU, kao i Ukrajine, R. Moldavije i Gruzije, evropski komesar za transport Adina Valean i evropski komesar za proširenje Oliver Varhelji.

Transportna zajednica je međunarodna organizacija, koju čine Evropska unija i šest zemalja Zapadnog Balkana (Republika Albanija, Bosna i Hercegovina, Kosovo, Republika Sjeverna Makedonija, Crna Gora i Republika Srbija).

Pravilnikom o radu Upravnog odbora Transportne zajednice utvrđeno je da će svaka članica predsjedavati Upravnim odborom u toku jedne kalendarske godine i slijedi po abecednom redu. Crna Gora preuzela je predsjedavanje Transportnom zajednicom u junu 2022.

Evropska Komisija, kao jedna od strana potpisnica Ugovora o transportnoj zajednici smatra da bi Transportna zajednica (TCT) mogla poslužiti kao efikasan model za postizanje bližeg povezivanja između EU i Ukrajine, Republike Moldavije i Gruzije u oblasti saobraćaja. To bi se moglo postići težnjom za punopravnim proširenjem članstva u Transportnoj zajednici na ove zemlje na duži rok, dok bi se u međuvremenu osiguralo njihovo sistematičnije učešće kao posmatrača.

Pravilnikom je takođe propisano da posmatrači mogu učestvovati u diskusijama i davati izjave uz dozvolu ili kada ih na to pozove predsjedavajući. Predstavnici drugih država, međunarodnih organizacija ili drugih tijela pozvani su u skladu sa Pravilnikom, gdje mogu učestvovati u raspravama kada ih na to pozove predsjedavajući, ali nemaju pravo glasanja.

Transportna zajednica pozvala je ministre Ukrajine, Republike Moldavije i Gruzije da prisustvuju završnom događaju Ministarskog savjeta u cilju razmatranja potencijalnih modela za bliže partnerstvo u oblastima saobraćaja.

S tim u vezi, regionalni partneri i predstavnici EU planiraju usvajanje Zajedničke izjave između Transportne zajednice i ministara zaduženih za saobraćaj iz Ukrajine, Gruzije i Republike Moldavije o saradnji za razvoj saobraćajnih sektora, a u cilju osiguranja njihovog sistematičnijeg učešća kao posmatrača u Transportnoj zajednici u budućnosti.

III SASTAV DELEGACIJE

Članovi Delegacije su:

- mr Ervin Ibrahimović, potpredsjednik Vlade i ministar kapitalnih investicija;
- Emina Mujević Kara, savjetnica u Kabinetu potpredsjednika Vlade;
- Irma Selmanović, savjetnica u Kabinetu potpredsjednika Vlade;
- Ljubinka Ivanović, načelnica u Direkciji za kapitalne projekte.

IV TROŠKOVI DELEGACIJE

Troškove smještaja za Ministra pokriva Transportna zajednica, dok ostale troškove pokriva Ministarstvo kapitalnih investicija. Za gđu. Mujević Kara, člana Regionalnog upravnog odbora troškove putovanja i smještaja pokriva Transportna zajednica. Za ostale članove delegacije sve troškove pokriva Ministarstvo kapitalnih investicija i Generalni sekretarijat Vlade.